



Janúar 2021

Ágætu félagar

Gleðilegt ár og takk fyrir það gamla, árið sem við komum öll til með að muna svo vel. Næsta ár er tekið við, árið sem ætlum að halda áfram að leita leiða til uppbyggingar fyrir okkur sjálf, nemendur okkar og starfsfólk.

Í haust tók við ný stjórn í félaginu. Stjórnina skipa: Guðbjörg M. Sveinsdóttir formaður, Sveinbjörn Njálsson gjaldkeri, Katrín Jónsdóttir gjaldkeri, Fanney Halldórsdóttir og Svandís Egilsdóttir meðstjórnendur, og varamennirnir Jóna Benediktsdóttir og Hrönn S. Steinsdóttir.

Á síðasta stjórnarfundum sem haldinn var 18. janúar var ákveðið að stefna að því að halda afmælisráðstefnuna 12. ágúst n.k. en henni var frestað í fyrra. Við vonum að aðstæður verði betri þetta árið og því er gott að taka daginn frá. Menntavísindasvið verður samstarfsaðili okkar líkt og fyrirhugað var á síðasta ári.

Stjórn félagsins hefur ákveðið að bjóða upp á stutt fræðsluerindi einu sinni í mánuði. Stefnt er að því að halda slík erindi síðasta fimmtudag í mánuði kl. 15:00.

Jóna Benediktsdóttir ætlar að sjá um fyrsta erindið fimmtudaginn 28. janúar kl. 15:00, Vinna með orðaforða og nemendalýðræði samtvinnað Uppbyggingarvinnu. Í erindi sínu segir Jóna Benediktsdóttir frá hvernig vinnulag og verkfæri Uppbyggingar styðja við framkvæmd nemendapínga og hvernig hægt er að efla orðaforða fjöltyngdra nemenda gegnum þessi viðfangsefni.

Erindið verður í ca. 10-15 mín. og síðan umræður á eftir. Send verður út slóð á heimasíðu félagsins þar sem félagsmenn geta tengst, hlustað og tekið þátt í umræðum.

Ef þið hafið áhuga á að miðla einhverju sem þið eruð að gera þá endilega látið undirritaða vita. Ég veit að þið komið til með að taka vel í svona örfræðslu sem þó getur gefið okkur mikið.

Stjórn félagsins ætlar að sækja um styrk í Sprotasjóð fyrir verkefni um uppbyggingu sjálfsaga á landsvísu. Nánar um það síðar.

Mig langar að biðja ykkur öll að vera duglega að senda okkur á Facebook síðuna frásagnir og myndir úr uppbyggingastarfinu. Það er alltaf hvetjandi og gefur öðrum ótrúlega skemmtilegar hugmyndir. Það væri gaman ef þið getið t.d. sagt okkur frá hvernig þið hafið verið að tengja uppbygginguna við hinar ýmsu námsgreinar og viðfangsefni, hvernig þið vinnið með bekkjunum ykkar eða hvernig þið nýtið stefnuna í starfmannamálum.

Fyrirhugað er að halda Restitution I námskeið næsta haust bæði á höfuðborgarsvæðinu og úti á landi. Nánar um það síðar.

Mörg ykkar hafa verið að velta fyrir sér hvort þeir séu „uppbyggingaskólar“ eða ekki. Hvað þarf að vera til staðar til að skóli sé uppbyggingaskóli. Við tókum saman smá gátlisti sem þið getið e.t.v. nýtt ykkur til að meta stöðuna hjá ykkur og huga að nýjum verkefnum eða dusta rykið af þeim gömlu. Listinn er alls ekki tæmandi en nýtist vonandi þegar þið hugið að næstu skrefum.

Er skólinn minn uppbyggingaskóli?

- Nemendafræðsla – í bekkjum – einstaklingar.
- Unnið með nemendum í anda stefnunnar og við úrlausnir mála sem upp koma.
- Allir starfsmenn vinna í anda stefnunnar við úrlausnir nemendamála.
- Unnið í anda stefnunnar í starfsmannamálum.
- Kynningar fyrir foreldra.
- Námskeið fyrir starfsmenn – grunnur – upprifjun – framhald.
- Leiðtogaeymi.
- Eftirfylgni með bekkjarvinnu.
- Dagatal – hvenær eru ákveðnir þættir stefnunnar kenndir.
- Sýnileiki stefnunnar – veggspjöld – orðfæri – spurningar.
- Ekki umbun og ekki refsingar.
- Sáttarborðið notað við úrlausn ágreinings.
- Friðartjald sýnilegt fyrir yngri nemendur.
- Sleikipinnaheilinn – sýnilegur sleikipinni þannig að hægt sé að grípa í hann við vinnslu mála.
- Tilfinningabíllinn – myndir á veggjum – notaður í hópavinnu/bekkjafundum.

Með bestu kveðjum f.h. stjórnar

Guðbjörg M. Sveinsdóttir, formaður félagsins Uppbygging sjálfsaga